

TOK STEAMIES

NOVEMBA/DISEMBA 2023 | ISIU 72 | EDISEN 13

TINGIM BEK

2023

LUKLUK
BEK LONG
YIAR 2023



STEAMSHIPS

INSAIT LONG DISPELA ISIU

LUKLUK BEK LONG YIAR 2023

-
- 1 Kava Poto Piksa
-
- 3 Edita Tok
-
- 4 Laipstail Stori**
-
- 4 Lukluk Bek long Yiar 2023
-
- 7 OI Lain Bilong Mipela**
-
- 7 Strongpela Tingting Man – Rofu Ukuñas
-
- 8 Dabol Kwolifait long wok Akaunting – Chelsea Romo
-
- 10 Bilip bilong Morea long PacTow
-
- 11 Save long CSH bilong yu – OI Hotel Menesa
-
- 12 OI Projek Bilong Mipela**
-
- 12 I Orait Tasol: Maritim wanpela Wol Nem-save wantaim ol bisnis wok-ples
-
- 14 PacTow i halivim Marlin Sicily Oil tenka-sip
-
- 15 Komyuniti Bilong Mipela**
-
- 15 OI Kadet bilong PacTow i makim nupela kos
-
- 16 OI Buk Bilong Pikinini Graduesen bilong 2023: Vabukori, Pari, na Baruni
-
- 18 Braipela Smail, Braipela Bihain Taim
-
- 19 Embasi bilong Jemani wokbung wantaim Steamships
-
- 20 OI Swire Skolasip i Op
-
- 21 FLDP i graduetim 13 wokmanmeri
-
- 22 Busgraun Na Wara bilong Yumi**
-
- 22 Daunim pipia mak na yusim bek samting? IKEN KAMAP!
-
- 23 Wara Filtresen Sistem i Wok
-
- 24 Koporet Nius**
-
- 24 Narapela Kain Wok-Kalsa olgeta
-
- 26 @345 i bringim bek Grin Deko Krismas Resis
-
- 27 Raitpla Properti Menesmen
-
- 28 Ohana – Steamships Famili De
-
- 30 Nupela JV i kamap – Hebamo Transport
-
- 31 Raun Raun Nambaut**
-
- 32 OI Polisi**
-
- 32 Sosol Midia Polisi
-

Insait long bikpela wok-ples bilong yumi, wanwan divisen na dipatmen i olsem wan-wan hap bilong wanpela bikpela masin, we ol i save mekim bikpela wok tru i stap.

Olsem na yumi ken save long ol tim bilong yumi yet, tasol i gat bikpela hap wok-luksave i stap, ol salens, na ol pasin-poroman mipela i save strongim long ol arapela divisen, na tu long ol komyuniti bilong yumi.

Oi Patnasip – na ol Pasin Poroman wantaim ol komyuniti i bihainim gut wok mipela i mekim aninit long salens bilong groim bisnis.

Tok Steamies bai stap long givim ol stori long ol dispela ol arapela bikpela wok-mak na nius bilong kampani i go aut long ol rida bilong mipela.

Edita bilong mipela i pinisim laspela isiu bilong Tok Steamies bilong 2023, wantaim lukluk i go bek long planti hatwok i kamap long dispela yiar. Long autim ol wok-patnasip bilong yumi wantaim ol komyuniti bilong mipela, ol bikpela wok-kamap, na ol nupela wok bilong olgeta ol divisen tasol i mekim kamap na strongim bilip bilong yumi olgeta, na strongim tu pasin wok-bung wantaim long ol bikpela salens kampani i bungim. Dispela kain wok-bung i kamap planti nupela tingting; wanpela long dispela, em ol nupela join-vensa patnasip.

Long dispela isiu, mipela i bringim stori bilong tupela nupela bisnis i kamap insait long Steamies famili, em Raitpla Property Management, na Hebam Transport, em join vensa wantaim EastWest Transport na Laba Holdings. Mipela bai serim ol sotpela stori bilong ol Famili De long Lae na Pot Mosbi, na ol hamamas progres bilong Krismas, na tu, ol nupela progres long daunim mak bilong pipia plastik long sait bilong sostenabiliti o lukautim busgrau na wara bilong yumi.

Bai yumi stori long ol projek bai op long 2024, na mipela i no lus tingting long ol gutpela wokmanmeri bilong yumi i wok kamapim ol nupela rot bilong wok. Mipela givim luksave long yupela olgeta!

Olgeta dispela ol liklik stori bai soim klia na givim luksave long ol bikpela wok-mak i wok long karim bisnis i go het yet. Sapos yu mekim gutpela wok, mipela bai autim stori bilong yu. Maski yu liklik o bikpela dipatmen, wok yupela i mekim i strongim mipela olgeta.

Bikpela Tok Tenkyu i go long yupela olgeta i raitim ol naispela stori na salim i kam. Yupela stap, na niusleta i kamaut.


LUKLUK BEK LONG 2023.

Yiar i bin bruk wantaim bikpela nambawan kwota, pastaim long mipela i bin malolo long go bek long lukautim busgraun na wara bilong yumi, i go inap long wok-redi bilong ol nupela join-vensa na wok-patnasip. Olgeta ol dispela samting i makim ron bilong 12-pela mun i go pinis.

Kam wantaim mipela nau bai yumi lukluk bek long ol dispela ol bikpela wok-kamap, lukluk long ol salens mipela i bungim, ol winim-wok mipela inapim, na ol banis mipela i brukim long groim bisnis bilong mipela.

2023 em i yiar i lukim planti nupela wokabaut, wantaim ol projek i bungim rot-blok na hat long ron long wanem i gat ol salens i kamap long redim mipela long dabolim sais o bikpela bilong bisnis. Ol nupela tingting i spitim ron bilong wok-bisnis, na i opim luksave long bisnis i stap long wok Hospitaliti, Lojistik na Propeti. Spid i kirap hariap tru, na wanpela yiar i ron i go pinis. Mipela i bungim olgeta gutpela taim na taim nogut wantaim we i senisim wokabaut i go long biahin taim bilong yumi.

Dispela yiar i pruvim tu toktok olsem taim bilong "groim bisnis na apim spid bilong em" i kamap pinis, olsem Menesing Dairekta, Rupert Bray i tokaut long baienual MD taun-hol bung. Em i bin opim ron i go long painim gutpela 2023.



JANUERI

- The Annual Scott Cup Qualifiers were held at the Royal Port Moresby Golf Club. Over 40 players participated. Congratulations to Satish Kumar who took out the top prize, flying to Hong Kong to represent PNG amongst the Swire affiliates in the Scott Cup. Special mention must go to Ms. Alice Sibiake from Swire who won the Nathan Swain Memorial Shield.

FEBRUARI


- Steamships i sponsaim Throwdown long Vula'a XFit Gems.

MAS

- Long kirap bilong yiar, Steamships i bin kamap bikpela sponsa bilong Hiri Moale Festival we i makim 49 krismas. Olsem Meja Sponsa, pasin poroman namel long Steamships na ol Motu-Koitabu ples i go strong moa yet. Ol komyuniti projek bilong mipela tu i go het wantaim Opim bilong Klasrum long Baruni long Buk Bilong Pikinini Laibri lening senta long mun Mas em wanpela long ol dispela wok.
- Steamships na Gateway Childrens Fund i opim dabol klasrum long Wailaip (Wildlife).
- Mipela i lonsim nupela stail Tok Steamies long Tok Inglis, na tu long Tok Pisin.
- ENZO's i selebretim tupela nupela stua i op long Jacksons Airport na Dauntaun.
- I go long pinis bilong mun, bikpela selebresen i kamap long makim Intanesenal Wimens De, we mipela i autim stori bilong ol strongpela meri long kampani husat i go pas long mekim wok long kampani, na tu long komyuniti bilong ol.



LAIPSTAIL STORI



EPRIL

- Dispela mun i bin ron isi, tasol bikpela wok-redi i kamap long strongim kampani long ol bikpela wok bai kamap bihain. Ol wok-stretim i ron gut long Grand Papua long nambawan hap bilong wok – em senisim bilong swiming pul, na wanpela ba-ples bilong sindaun namel long ba long insait na ba long ausait.

ME

- Yu bai tingim bikpela luksave mipela i givim long gutpela sindaun bilong famili na komyuniti long Steamies Trai-Siris. Miks Netbol i bin opim ol spot pilai namel long olgeta divisen.
- Brukim moa banis long solwara wok, mipela i sapotim ol ‘pawa-meri’ bilong mipela i wok long ol siping divisen long amamasim Intanesenal Wimen in Maritaim De.
- Mipela i lukim kam bek bilong ol top golf man long bung long PNG Open, wanpela bikpela koporet pilai, we mipela i save bungim ol biknem kastoma bilong mipela long Royal Pot Mosbi Golf Klab.



JUN

- Mipela painim namel bilong yiar wantaim sainim bilong Memorendem Ov Andastending bilong join-versa bilong Gulf Maritime Services. Dispela i kamap long namba 14 de bilong mun Jun, long Grand Papua Hotel. Em bin bikpela samting bilong Galp ProvinSal Gavman, Gobe Freight Services na Steamships yet long givim sapot long wok solwara na lojistik long graun i go long Galp provins, na moa yet, long redi long Papua LNG projek i kirap.



- Strongpela bilip bilong mipela long sastenabiliti, o pasin bilong lukautim yumi yet, em olgeta kantri long wol i makim. Mipela yet i givim nem ‘Wol Enviromen Wik’ we i lukim tripela program long luksave long World Environment Day (Wol Enviromen De), World Oceans Day (Wol De bilong Solwara), na Coral Triangle Day (De bilong tingim Coral Triangle). Ol wok-makim i go het wantaim klinaton long Kimbe, long Ela Beach nambis long Mosbi na ol ples long Motukea, planim diwai long Sana Peace Park (Sana Bel-isi Pak), sapotim #1milliontrees kempen na pinisim wantaim Coral Triangle De we Steamships HSSEQ Grup Menesa Carol Aigilo i sindaun olsem wanpela jas long wanpela Hai Skul Dibeit resis namel long ol skul long Nesenel Kapitel Distrik, we Yunaitet Nesens (UN) i go pas long en.





JULAI

- Long soim sapot bilong Wol Mangro De (World Mangrove Day), Steamships i wokbung wantaim Coastline Care na The Nature Conservancy long planim moa long 100 mangro pikinini-diwi wantaim ol pikinini bilong Buk Bilong Pikinini na ol laibri lening senta long ples Vabukori. Ol lain wanwok na ol pikinini i kisim skul long solwara i wok brukim graun na nambis, na watpo yumi mas planim mangro long banisim gut kaikai na graun long ol nambis ples.



OGUS

- Em i save kamap olgeta yiar long ples Hula long Sentral provins. Wanpela kriket resis i save kamap namel long Hula Lighthouse Kriket tim, we Steamships i sponsaim, na ol wokmanmeri bilong Swire. Maski ol i pundaun long han bilong ol asples, olgeta i bin hamamas wantaim gutpela pilai, kaikai, na pasin bilong bung na amamas wantaim.



SEPTEMBA

- Hepi Indipendens PNG! Ol Ret, Yelo, Bilak na Wait kala i bin pulap, ol naispela bilas na tu switpela tumbuna kaikai bilong PNG yet i kamap long olgeta ol bisnis divisen bilong mipela. Olgeta wokmanmeri i bung wantaim long hamamasim kantri bilong yumi, PNG.
- Wanpela moa nupela bisnis i bin kamap aninit long nem bilong Steamships – em Raitpla Property Management, husat i save mekim wok propeti menesmen, lisim ol propeti i go aut, na tu projek menesmen sevis long olgeta propeti bilong Nambawan Super Limited long Mosbi siti.

OKTOBA

- Steamis 7s na tas resis – em namba wan bikpla bung bilong ol wokmanmeri-pilaia, na ol sapota wantaim long laspela pilai bilong Trai-Siris, we i promotim gutpela pasin spots, na tu long strongim pasin bilong wokbung wantaim long strongim wok bisnis. Nesenel Futbol Stedium (NFS) i bin paia-lait wantaim ol pilai resis, na tu, strong bilong ol sapota bilong ol we i soim klia laik bilong olgeta wokmanmeri long stap insait long resis bilong winim MD's Kap.
- Steamships Lojistik Divisen i bin kisim luksave na mak bilong ful ISO setifikasi.




NOVEMBA

- Steamships Famili De. Mipela olgeta i bin hamamasim tru dispela de wantaim ol kain kain pilai na wok-program, na bikpela tag-ov-woa resis i bin pulim planti ai.
- Long namba 24 de bilong mun Novemba, mipela i lonsim nupela websait bilong mipela. Dispela nupela stail websait i mekim isi moa long ol manmeri long go insait na sekim stori na wok bilong olgeta kampani i kam aninit long Steamships, na ol wok-projek bilong ol.

DISEMBA

- Long strongim GMS i go moa yet, wanpela Memorandum ov Andastending o MOU i lukim kamap bilong wanpela nupela join-versa kampani, Hebam Transport, we ol i sainim wok agrimen bilong en long ol sait program bilong namba 17 PNG Resources and Energy Investment Conference long Sidni, bai em i wok na givim lojistik sapot long Papua LNG Projek.
- Steamships Lojistik i baim tripela tak-bot, na tupela bas o pontun, em: "MV Yelia, MV Aird Hills, MV Lolo, CEL 201, CEL 501, na CEL 502. Olgeta ol dispela sip bai strongim bilip bilong Steamships long kisim luksave long wok bilong em long Papua LNG Projek.



OL LAIN BILONG MIPELA

**MI HAMAMAS TRU
LONG SANS MI GAT
LONG STRONGIM SAVE
BILONG MI.**

STRONGPELA WOKMAN – ROFU UKUNAS.



Rofu Ukanas i gat 4-pela pikinini, na em i wok olsem junia akaunten wantaim Steamships Het Ofis Fainens tim.

Rofu em bilong ples Henganofi long Isten Hailens Provins, tasol Mosbi siti nau i kamap asples tru bilong em, long wanem mama karim em, na em i bikpela long Mosbi.

Rofu i bin graduet long akaunting long Skul ov Bisnis na Pablik Polisi long Yunivesiti ov Papua Niugini, na nau yet em i wok skul long kamap wanpela Setifait Prektising Akaunten o CPA wantaim CPA PNG, wanpela projesinal grup bilong ol akaunten long kantri.

Rofu i statim wok-laip bilong em wantaim Steamships long namba 4 de bilong mun Julai long 2022 olsem wanpela Teks o Takis Ofisa. Taim em i wok wantaim takis tim bilong kampani, Rofu i kamapim tupela bikpela wok-mak bilong kampani.

- Ol i winim luksave na kisim Large Tax-payer Office (LTO) wantaim Internal Revenue Commission (IRC) bai Steamships Ltd i gat akaun menesa bilong lukautim olgeta takis wok bilong kampani.
- Maritim bilong Pactow wantaim Steamships Ltd bilong givim takis ripot na wok-bihainim. Na tu, stremol olpela takis wok bilong Steamships Grup, we i halivim kampani long sevim moa long K100,000 long ol takis penalti o mekimsave.

Bihain long mun Ogas 2023, Rofu i senis long wok Takis i go long Fainens olsem Junia Akaunten, wanpela promosen we Rofu yet i hatwok long winim.

Long ol akaunten, kisim luksave olsem wanpela CPA o setifait prektising akaunten, em wanpela bikpela wok-mak long soim strong bilong save yu gat long wok akaunting.

Rofu i pinisim 4-pela program pinis, na em i lukluk long pinisim laspela 4-pela program long 2024, bai em i ken kamap CPA memba long yiar 2025. Em i bin winim luksave long Academic Excellence in Foundations of Accounting, we em i skorim 84% long kisim nambawan wok mak na em i kisim long 2023 enual PNG na Australia CPA Konfrens long Stanley Hotel.

Dispela bikpela luksave Rofu i kisim wantaim dispela CPA Hai Distinksen i soim bilip em i givim long groim save bilong em insait long bisnis. Em i soim tu bilip bilong Steamships long sapotim groa bilong ol wokmanmeri bilong en.

"Mi hamamas tru long sans mi gat long strongim save bilong mi, long wanem mi nidim long mekim wok bilong mi, na ol nupela salens i ken kamap enitaim," Rofu i tok.

Bilip bilong Rofu long wok bilong em, kampani i lukim na tok-amamas na luksave long em long winim skul long CPA eksam bilong em, mekim moa long wanpela kain wok tasol, strongim wok bilong em olsem Junia Akaunten, na long skul. Ol wok Rofu i save mekim olgeta de, em long sekim na raitim ol transeksen i go long ol GL akaun bilong ol, ol benk rekonsiliesen, aset makim long kamapim CAPEX, kamapim ol deta na kredita akaun, referens senis, na wok bilong pasim olgeta mun, na sapot em i save givim long Sif Akaunten. Wok-bilip bilong em long kamap long wok olgeta de, na laik bilong em long pinisim olgeta wok long taim, i save strongim Rofu long kamapim gutpela wok-mak bilong tim bilong em.



OL LAIN BILONG MIPELA



DABOL KWOLIFIKESEN LONG WOK AKAUNTING – CHELSEA ROMO.


Long 2021, Tok Steamies i bin raitim stori bilong Chelsea Romo, wanpela graduet tasol i bin stap long Graduet Dvelopmen Progrem (GDP) long 2017 aninit long Management Pathway.

Bihain long em i pinisim 3-piar GDP Menesmen trening bilong em, Chelsea i winim wok long kamap Junia Akaunten, Akaunten, na nau, Sinia Akaunten, bihain long em inapim CAT na CPA luksave na wok wantaim Join Vensa Port Services (JVPS).

Chelsea yet i tok gutpela kamap bilong em long wok i bihainim gutpela wok kalsa long JVPS.

"Jeneral Menesa bilong JVPS i save givim bikpela sapot na em i olsem tisa bilong olgeta wokmanmeri," Chelsea i tok. Em i givim luksave tu long tupela man em i kisim bikpela save na tok stia long ol, em Philip Bidar na Samson Nilkare.

OL LAIN BILONG MIPELA



Insait long taim em i wok long GDP bilong em, Chelsea i bin mekim kainkain wok long lojistik, opereksen, hotel resavesen, na sefti, pastaim long em i pinisim laspela wok-rotesen bilong em long JVPS long 2021. Long dispela taim, Chelsea i bin pinisim Certified Accounting Technician (CAT), bilong ol lain i no akaunten, na bihain em i aplai long pinisim Certified Practicing Accountant (CPA) setifiket bilong em long 2023. Maski em i mekim wok Menesmen, laik bilong em long wok wantaim ol namba i strongim em long pinisim CAT. Em i skorim Hai Distinksen long Strategic Management Accounting Module long namba wan semesta, Advanced Audit na Assurance. Chelsea em i piksa bilong strongim bilip na pinisim skul long groim save.

Nau em i holim wok-luksave olsem wanpela CAT na CPA savemer, Chelsea i kamapim nupela stail bilong wok-menesmen we i halivim em long strongim wok-mak bilong em.

Chelsea bin gat bikpela laik long program Pronto, na wok em i save mekim long balensim ol akaun bilong bisnis. Em i save tromoi planti askim, na lukluk-bihainim ol sinia wokmanmeri i mekim ol wok akaunting, long strongim save bilong em.

Long 2023, Chelsea i kisim wanpela Hai Distinksen long CPA long CPA Konfrens, na em i winim wanpela K500 vausa prais i kam long Institute of Business Studies University (IBSU). Em i strong na pinisim eksem we em i tok em 'liklik samting' we em i pinisim dispela tes insait long 45 minit tasol. Strong bilong em long stadi na pinisim ol eksesais na skul em i kisim long ol rivisen klas em ol bikpela wok Chelsea i mekim, na em i karim kaikai.

CPA luksave-mak em bikpela samting tru long Chelsea, na pasin bilong balensim wok na famili laip i soim klia olsem em i ken mekim wanem samting em i laik mekim.



OPIM TINGTING LONG OLTAIM PAINIM NUPELA SAVE NA YU MAS OLTAIM REDI LONG TOK OLSEM YU NO SAVE LONG WANPELA SAMTING, TASOL YU BAI LAINIM.

Mipela i askim em long wanem ol skul-tingting em i save bihainim, na em i tok, "Opim tingting long oltaim painim nupela save na yu mas oltaim redi long tok olsem yu no save long wanpela samting, tasol yu bai lainim. Askim halivim long ol sinia wokmanmeri, na ol wanwok, bai yu kisim skul long ol samting yu wok lainim."

Chelsea i soim olsem em wanpela meri husat i save laikim ol nupela salens na wok, tasol i save stap redi long ol rot i stap long strongim wok-save moa yet.

Em i tok i gutpela long yu mas oltaim tingting positiv, o gat gutpela tingting long laip. Maski em i gat salens olsem wanpela mama, em i save menesim gut wok-laip balens taim em i skelim gut taim bilong famili, na taim bilong wok.

"Ples we yu mekim wok i ken halivim yu long strongim save bilong yu long wok, na tu, sapos yu bihainim ol wok-pasin na tok stia bilong ol menesa bilong yu."

Chelsea em i wanpela Certified Accounting Technician na Certified Practising Accountant husat i rejista pinis aninit long CPA PNG na i holim bikpela save long wok fainensal ripoting, baseting, bilong wanpela JV Haia kampani.

Mipela i tok amamas na givim lukave long yu, Chelsea, long yu skorim Hai Distinksen long CPA eksam bilong yu!



OL LAIN BILONG MIPELA

BILIP BILONG MOREA LONG PACTOW.

Morea Avuru em i Life-Raft Menesa long Life-Raft Services dipatmen bilong Pacific Towing. Em i wapela skin-kirap man husat i save gat bikpela small taim em i save mitim ol kastoma bilong em, na husat wokmanmeri i raun i go long Life Raft seksen.

Morea i bin joinim Steamships long 1996 olsem wapela Laip Raf Teknisen, tasol pastaim long em i kisim dispela wok, em i bin wok wantaim Steamships long 1992 yet olsem wapela inten, o skul-wokman. Morea i ken tingim yet taim Pacific Towing i bin wok long PNG Ports Men Wof, insait long wapela yelo wehaus.

**MI LUKIM KAMPAWI I
GROA NA SENIS LONG
30 YIAR NAU.**

Long taim Morea i stap wok wantaim Steamships, em i groim save bilong em long wok we i nidim kain kain menesmen stail – tasol em i tok wok i save ron gut aninit long lidasip bilong Neil Papenfus. Morea i tok dispela hatwok bilong Neil long senism bisnis, i halivim em yet long groim wok-save bilong em. Wok bilong em long wanwan de, em bilong kisim inventri, o kaunim ol laip-raf stok, wok sevisim, na pairotekniks.

Maski ol em ol nambawan saplaia na sevising stesen bilong ol laip raf long kantri, moni hevi long saplai bilong Foren Eksens (FX) i mekim hat long kisim ol nupela stok. Tasol em i orait, wok bilong kastoma sevis em bikpela samting taim em i wok wantaim ol kastoma bilong Pactow, na em i save wok-bung wantaim Fainens tim bilong Pactow long stretim ol FX hevi.

Morea i bin nupela long taim pasin bilong yusim kompyuta long wok i kamap, tasol em i save amamas na tok olsem save bilong em long dispela sait em i strong nau. Tete, Morea em i Menesa, na em i trenim olgeta wokmanmeri bilong em long yusim ol dispela kompyuta long biahinim na trekim ol stok long dijital sistem bilong ol.

Bihain taim bilong Pactow i luk gut, na dispela i minim olsem dipatmen bilong em – Life Raft & Raft Servicing, nau i ken groa moa yet long wanem i gat bikpela groa long kisim ol laip raf. Plen bilogn Pacific Towing long kisim ol nupela masin na groim beis bilong em wantaim tupela nupela tak-bot bai lukim moa bisnis bilong kampani, na Morea yet i tok em i bilip strong long menesmen bilong Pacific Towing na Steamships long staiam gut kampani i go gut long 5-pela yiar i kam.



OL LAIN BILONG MIPELA



SAVE LONG OL CSH HOTEL MENESA BILONG YU.



TIMOTHY NEWSON

Ela Beach Hotel
Ela Beach Road, Pot
Mosbi



PAUL REDMOND

**Gateway Hotel na
Apartments**
6-mile, Pot Mosbi



SAIF JUGARI

Highlander Hotel
Mt Hagen, Westen
Hailans Provins



**ROBINSON
LAMBERT**

Cassowary Hotel
Kiunga, Westen Provins



HENAO GARO

Huon Gulf Hotel
Lae, Morobe Provins




EDWIN MASON

Bird of Paradise Hotel
Goroka, Isten Hailans
Provins



OL PROJEK BILONG MIPELA



GUTPELA MARIT: BUNGIM WANPELA WOL NEM WANTAIM SPES BILONG WOK BISNIS

Wok long Habourside South na Marriott Executive Apartments i ron gut na i redi long pinisim olgeta wok long insait na redi long namb-wan opim bilong ol. Long taim ol kamap olsem aidia o tingting tasol, i kam inap long taim bilong gren opening na katim ribon, wok bilong ronim na bihain opim dispela miks-yusim projek, i nidim gutpela klia wok-plenning, na klia visin o luksave.

Olgeta gutpela wok stori bai no inap kamap sapos i nogat strongpela wok-plenim, lainim ol bikpela wok-mak wantaim ol bikpela wok-luksave – na tu long autim gut ol bren o nem baksait long dispela projek, stretim olgeta hadwe na fenitsa o sia, tebol samting, sanapim ol sevis we bai ol i inapim olgeta laik bilong ol lain husat bai yusim long bihain taim.

Long Tok Steamies Isu 70, mipela i bin stori long Harbourside South Development projek wantaim ol bikpela projek apdet i soim nambawan miks-yusim developmen bilong Steamships. Wok long dispela projek i bin kamap gut tru, wantaim wok-redim bilong namba wan opim long kamap long pinis bilong namba wan Kwota bilong yiar 2024. Dispela bai sanapim nupela luksave mak developmen long Saut Pasifik, na Papua Niugini.

Komesal

6-pela komesal ofis i pulap pinis, sampela mun pastaim long namba wan opim i kamap. Ol biknem kampani i wok resis long kisim ofis spes long HSS.

Ritel

Honor, Glow Boutique na Hauslain Box Retail em sampela long ol bisnis i baim spes pinis long ritel floa (Level 3) bilong HSS. Ol i no westim taim, na ol fit-aut wok i go het pinis. HSS ritel bai strongim nem bilong Harbourside Precint, we i opim tu Harbourside East na West.



Marriott Executive Apartments

Kam insait bilong wol-nem bren – Marriott, aninit long namba wan ol Marriott Executive Apartments long Pasifik, i strongim nem bilong Harbourside South.

Sherry Maglasang i kisim wok olsem Opening Jeneral Menesa bilong MEA long namba 5 de bilong mun Oktoba 2023.

Sherry i no nupela long ol bikpela bren-nem lonsim program, long wanem em i opim na stretim bek planti ol propeti pinis, olsem ol Marriott propeti long Esia-Pasifik rijken.

Em i tok dispela projek long HSS em i narakain liklik, long wanem opis i bin sanap pinis, pastaim long bren-nem i kam insait.

“Taimyu gat bikpela wol bren olsem Marriott, i gat ol stendat bilong bihainim long mak stret, long wanem em i namba wan taim long brukim graun long Pasifik rijken,” Sherry i tok.

Steamships i sainim wanpela frensais agrimen wantaim Harbourside Development Limited (HDL) na MEA, na kam insait bilong em olsem bikpela patna i “givimyu aidia long wok bilong bren long dispela projek long bihain taim.” Dispela i sapotim tu groa bilong developmen long Pot Mosbi.

“Mi mekim dispela wok wantaim gutpela tingting na redi tasol, long wanem mi save gut long wanem ol samting i mas stap long kamapim gut dispela luksave.”

**... NA SAPOS OL KASTOMA
I HAMAMAS, OL BAI KAM
BEK GEN, NA OL PAPA BILONG
BISNIS BAI HAMAMAS –
EM FUL SEKOL NAU.**

OL PROJEK BILONG MIPELA




Namba wan opening i no long we nau, na tim bilong MEA i sanap pinis na kisim trening long bildim bilip, gutpela wok pasin, sanapim ol rot bilong komyunikesen, rispek o givim luksave, na bihainim stret ol wok-veliu bilong MEA.

Dispela 24-man tim em ol i makim ol long inapim ol stendat bilong Marriott: long lukautim ol manmeri pastaim, ekselens, intekriti o hones pasin, opim tingting long senis, na givim gutpela sevis.

"Marriott i bilip olsem sapos yu lukautim ol wanwok, ol wanwok bai lukautim ol kastoma bilong yu, na sapos ol kastoma i hamamas, ol bai kam bek gen, na ol papa bilong bisnis bai hamamas – em ful sekol nau."

'We are sincere, we are gracious' – em bikpela tok-luksave long wanwan manmeri, i go long Marriott famili. Ol veliu bilong Marriott, wantaim ol bikpela veliu bilong Steamships i luksave long strong bilong ol asples manmeri, na em i save strongim wok bilong ol wokmanmeri long MEA.



Program bilong namba wan opening i redi pinis, na nau Sherry i wok redi long 'go laiv' olsem wanpela sistem hotel bilong Marriott, na lukautim ol ges wantaim winmoni o reveniu. Laik bilong ol kastoma em i bikpela, na bai salensim tim long apim propeti veliu bilong en long maket, na tu, kamapim ol gutpela spes long sindaun, wok, na groa.

"Olsem opening GM, mi bilip long Marriott i ken givim nambawan sevis," Sherry i tok. Aninit long dispela bilip, MEA tim i redi gut wantaim bren bilong Marriott na strongim save bilong ol long kamapin gut dispela wok kalsa. Tim i go moa yet long givim inap trening long olgeta wokmanmeri long luksave na soim klia strong bilong bren long wanwan wok bilong ol.

Senis i no kamap long sanapim bilong 88 sevis apatmen. Wok bilong rejistaim olgeta wokmanmeri long dijital ID sistem (EID) na Marriott Global Source (MGS) em wanpela onlain pletfom sistem we i bungim trening bilong ol wokman na tu, i ken skelim strong bilong wok, i go het pinis.

Nau yet MEA tim i lukluk long yusim stret Propeti Menesmen Sistem. I gat plen i stap pinis long sanapim ol maketing ples bilong olgeta Onlain Travel Ejensi (OTA), ol websait, na ol arapela onlain pletfom.

Long ol kastoma bilong mipela, maski yu wok long narapela kantri, o yu tingting long go sindaun long nupela ples, o yu wok raun raun tasol, ol MEA sevis apatmen i stap long givim yu gutpela ples bilong sindaun gut, long han bilong ol wokmanmeri bilong mipela. Ol bikpela open floa plen bai agreedim tu lokol bisnis wokples i go long intanesenel level. I go moa yet, longpela taim sindaun bilong dispela projek i yusim gut graun na promotim gutpela yusim bilong dispela building bai givim ol kastoma nambawan sevis.

Dispela projek i soim klia olsem i gat rot i stap long bungim ol miks-yusim divelopmen we i maritim komesal o wok bisnis, residensal o ples sindaun, na tu, hospitaliti, o luksave-mak bilong hotel sevis – we bai kamap nambawan ples bilong ol lain i raun i go long Harbourside.

OL PROJEK BILONG MIPELA



PACTOW HALIVIM MARLIN SICILY OIL TENKA-SIP OIL TANKER.

Long mun Oktoba, Pacific Towing (PacTow) i karimaut namba wan bikpela wok-pulim yet – we ol i kolim bikpela projek wok-kamap bilong nama 4 Kwota.

Ol save-lain bilong PacTown tim i yusim tripela tak-bot long halivim bikpela wel (oil) tenka-sip long kam long solwara bilong PNG, longpela bilong dispela Suezmax tenka-sip em 274 mita.

Ol Suezmax tenka-sip em ol nambawan bikpela sip we i ken ron long Suez Canal, we longpela bilong ol i ken arere long 275 mita, na karim ded wet tanes (dead weight tonnage o dwt) i ken go inap long 120,000 taim em i karim bikpela hap mak krud-oil na fiul i go kam.

I gat bikpela nid long fiul long inapim laik bilong ol industri i wok long groa bikpela long PNG olsem siping, len o graun trencspot, we i soim klia olsem i mas i gat moa Suezmax tenka-sip long kantri, long wanem em i sip moa long ol i karim fiul i kam long kantri bilong yumi.

Long traipela bik-moning, 40 solwara wokman i redi long tripela tak-bot: em Keera, Langila, na Werra. Ol i ron wantaim ol lain bot: Bam na Baru. Bihaminim bikpela wok plening, ol dispela liklik bot i halivim bikpela Puma tenka-sip, "Marlin Sicily" taim em i karim fiul i kamp, na pulim em i go long Fairfax Harbour long go sua long Napa Napa rifaineri sip-bris. Dispela wanpela wok i no abrusim wanpela de, na "Marlin Sicily" i bin gat sans long rausim fiul i go long Puma rifaineri.

Dispela wok-projek i no nambawan bikpela projek long PacTow i mekim, tasol projek i kamap aninit long stia na lukaut bilong wanpela Papua Niugini Tak-bot Masta – wanpela graduet bilong Kadetsip Progrem bilong PacTow, Emmanuel Simoi.

Kampani i amamas long wok bilong Simoi, na i tok em i soim klia piksa bilong ol yangpela husat i wok strongim bisnis bilong solwara-wok.

Dispela operesin, em ol Papua Niugini tak-bot Masta tu i go pas long en long Werra na Langila. PacTow i gat nem long strongim ol PNG wokmanmeri bilong ol long kamap ol menesa, na tu, ol i wok groim strongpela PNG wokfos we olgeta wokmanmeri bilong ol i gat sans long groim wok-save bilong ol.

Taim Marlin Sicily i laik lusim sip-bris, em i isi moa, long wanem solwara i sindau gut, na Keera na Werra i stap long halivim em long lusim Fairfax Harbour.

Dispela wok em bikpela wok, olsem na i bin gat bikpela wok-plenim i kamap pastaim long sip i kam sua long solwara bilong yumi. Em i soim klia tu wokbung namel long Puma Energy, PNG Ports Corporation, na PacTwo, we i mekim wok i kamap gut.

Ol Komesal Daiva-man bilong PacTow i bin stap tu long sekim gutpela rausim bilong fiul, we em i seif, na i no bagarapim solwara. Ol i redi long hevi bilong wel i kapsait, tasol nogat hevi i kamap.



OL 2023 BUK BILONG PIKININI GRADUESEN: VABUKORI, PARI, AND BARUNI.

Em i taim bilong graduesen long ol Laibri Lening Senta o LLC bilong Buk Bilong Pikinini (BBP) long Nesenel Kapitel Distrik na Sentral provins.

Ol dispela BBP graduesen i kamap namel long namba 4 na 6 de bilong mun Desemba, 2023, long ples Pari, Baruni, na Vabukori, bilong olgeta Yiar Namba 2 sumatin. Ol lain i makim maus bilong Steamships Koporet Afes menesmen, i bin stap tu long mekik liklik toktok. Ol grin na bilakpela graduesen gaun na het, ol su ol i polisim gut tru, nupela hekat bilong ol bois, na ol stail pasim gras bilong ol liklik meri i stap ples klia taim ol i wokabaut i go insait long ol Buk Bilong Pikinini graduesen seremoni long pinis bilong dispela yiar.

Ol papamama na ol lain famili i pulap long ples bilong lukim dispela ol graduesen. Ol pikinini i sindaun bihainim nem bilong ol. Ol Laibri Lening Senta (LLC) tisa yet i kolin nem bilong ol sumatin long kisim ol awod bilong ol.

Long las 10-pela yiar, Steamships i go het long strongim patnasip bilong em wantaim BbP long ol Motu-Koita viles. Ol i givim moni na administresen sapot.

I no long taim i go pinis, ol i lukim opim bilong Baruni LLC, na tok-promis bilong apim mak bilong ol lain manmeri na pikinini long ol dispela ol komyuniti long save long rid na rait, maski em liklik samting, i wok senisim laip bilong ol pikinini.



Pari: Mak bilong save long rid na rait, na pasin bilong bilip long ol yet i wok long kamap strong long Pari LLC. Em i bin opim dua long 2021. Ol tisa i wok long LLC i skulim 166 pikinini pinis, na givim ol save long rid na long laikim pasin bilong lainim nupela samting, o kisim skul.

Baruni: Mipela i amamas long stap insait long namba wan graduesen bilong Baruni Laibri Lening Senta, we i opim dua long mun Mas 2023 na i graduetem pinis 55 sumatin. BBP Bod Dairekta Mia Bray i bin prisentim o givim ol setifiket long wanwan ol sumatin. Toktok-strongim bilip i go aut long ol pikinini long lainim rid na lainim nupela samting wantaim Buk Bilong Pikinini laibri.

Vabukori: Presiden bilong Vabukori Wimens Dvelopmen Asosiesen, Molly O'Rourke, i givim planti gutpela toktok long strongim ol papamama bilong 53 sumatin i graduet. LLC i bin kamapim wanpela liklik 'kaikai' long makim graduesen, na olgeta pikinini i bin bung long mekik danis long pasim program.

Ol lain i skul long ol LLC na ol sumatin i graduet i kisim planti gutpela tok-stia long strongim komyuniti bilong ol, na long yusim olgeta save ol i kisim long pasin bilong rid na rait, na strongim ol yet. Ol LLC tisa yet, wantaim ol lokol komyuniti lida tu i givim tok-stia long ol sumatin.



KOMYUNI BILONG MIPELA

66

WOK BILONG STRONGIM
DISPELA WIMEN IN MARITAIM
PROGREM EM INVESMEN WE
STEAMSHIPS I AMAMAS
LONG MEKIM.

OL MERI KADET MAKIM NUPELA KOS.

I nogat wapela wok we ol meri i no soim strong na save bilong ol. Ol meri save karim kain kain ol wok, na ol i save mekim samting stret.

Long sait bilong solwara-wok, i gat moa meri i wok long sanap na soim strong bilong ol.

Long mun Desemba, long sip MV Moresby Chief, wapela liklik luksave i kamap long tok amamasim na givim luksave long 8-pela Papua New Guinea solwara-meri husat i pinisim Women in Maritime Scholarship Progrem, na graduet long kamap ol 'Officers of the Watch'. Minista Kaunsela bilong Australia Hai Komisin, Penny Morton, i bin stap long lukim dispela graduesin.

Ol arapela bikmanmeri i stap long lukim dispela graduesen tu, em Australia Awards PNG Progrem Dairekta, Rebecca Gitsham, Swire Shipping Jeneral Menesa – Pacific, Randy Selvaratnam, Jeneral Menesa bilong Pacific Towing, Neil Papenfus, na Steamships Koperet Afes Jeneral Menesa, Vele Rupa.

Wimen in Maritaim progres i bin kirap long 2021. Dispela progres i graduetim 34 solwara-meri pinis. Wimen in Maritaim em wapela progres i kamap aninit long patnasip namel long Pacific Towing (PacTow), Gavman bilong Australia, Consort Express Lines (CEL), na Swire Shipping.

"Dispela wokbung i strongim wok bilong planti ol yangpela solwara-meri, tasol mipela i strongim tu maritaim sekta bilong PNG, we i save mekim bikpela wok long sapotim developmen bilong PNG. Wok bilong strongim dispela Wimen in Maritaim progres em invesmen we Steamships i amamas long mekim," Mista Rupa i tok.

Ol kadet long dispela progres i save kisim skul long klasrum, na tu, long prektikol trening long onso o wok long nambis, na tu, of-so, o wok long solwara. Ol meri i pinisim PNG solwara-taim bilong ol antap long ol PacTow na CEL sip.

Sans long wok long ol intanesenal solwara-pot olsem Singapore, Vietnam, Australia, Nu Silan na Tailen long ol Swire Shipping sip, em bikpela wok-save wan wan kadet i save kisim.



KOMYUNI BILONG MIPELA



Program i no halivim long inapim sot bilong ol solwara wokmanmeri tasol. Em i wok givim moa sans long ol meri long kamap ol solwara-wokmanmeri tu, na i no ol man tasol.

Jeneral Menesa bilong PacTow, Neil Papenfus, i tok Wimen in Maritaim program em "wanpela nupela wok we i halivim long trenim neks jeneresen long ol solwara profesional." Em i tok "ol nupela Officers of the Watch bai halivim long slekim hevi bilong nogat inap wokmanmeri long maritaim sekta bilong PNG, na tu, savemak ol i kisim bai ken karim kaikai bilong PNG long ol yiар bihain."

Solwara wok em bipo wok bilong man tasol. Ol meri save pret long mekيم dispela wok long wanem em i bikpela hatwok, na yu mas redim gut tingting bilong yu. Yu nidim strong na bilip, na strongpela tingting bilong winim wok. Dispela 8-pela meri i soim strong bilong ol, long mekим solwara-wok. Nau ol i makim nupela kos pinis long solwara-wok.

Dispela ol nupela Officers of the Watch i ken mekим bikpela wok long strongim solwara industri bilong PNG. Ol i ken soim gutpela piksa tu long ol arapela yangpela solwara manmeri.

Mipela i tok-amamas na luksave long ol nupela Officers of the Watch:


- Naomi Erowa
- Karen Kariha
- Carol Wallan
- Make Wania
- Melanie Yambun
- Katrina Komboi
- Eunice Tuwe
- Debbie Aina

Steamships na PacTow i save givim ful sapot long Wimen in Maritaim program wantaim 34 meri husat i kisim luksave pinis long skolasip olsem Dek o Ensin Kadet. Sikspela moa meri bai go insait long program long 2024.



**OL NUPELA OFFICERS
OF THE WATCH BAI
HALIVIM LONG SLEKIM
HEVI BILONG NOGAT INAP
WOKMANMERI LONG
MARITAIM SEKTA BILONG
PNG, NA TU, SAVEMAK OL
I KISIM BAI KEN KARIM
KAIKAI BILONG PNG
LONG OL YIAR BIHAIN.**





BRAITPELA SMAIL, BRAITPELA BIHAIN TAIM.



Figure 1: CP PNG tim na SP PNG Hunters tim wantaim Ko-Kapten Illa Alu i sanap long namel.



Figure 2: CP PNG Helt Eduketa, Vincent Memafu na Dokta Rabbit i soim stretpela rot bilong brasim tit.



Figure 3: SP PNG Hunters Ko-Kepten, Illa Alu i soim stretpela rot bilong wasim han gut

Long Colgate, mipela i bilip olsem olgeta wanwan pikinini na famili bilong ol i gat rait long gat helti small oltaim. Mipela i luksave long ol pasin i save kamapim gutpela helti pasin. Olsem na mipela i strongim mobeta bhain taim bilong ol pikinini na ol famili bilong ol insait long wanpela bikpela helti maus programe ol i kolim ‘Bright Smiles, Bright Futures (BSBF) o Braitpela Smail, Braitpela Bhain taim Programe. Dispela programe i kamap bhainim laik bilong mekim moa wok awenes namel long ol pikinini bai ol i luksave long strong bilong bhainim ol gutpela helti maus pasin, na helti kaikai tu.

Stat long 1991 yet taim BSBF programe bilong Colgate i kirap, em i painim moa long wan bilian pikinini long moa long 80 kantri. Long Papua Niugini, BSBF Programe bilong Colgate i painim moa long 2.5 milian pikinini long kantri bhain long programe i kirap long 2010.

Dispela BSBF skul programe i save ron inap long wanpela yiar, na i lukluk long skulim ol pikinini na ol bikpela manmeri tu, long strong bilong bhainim gutpela maus-helti pasin, na bhainim klinpela pasin inapim 4-pela bikpela skul:

- Brasim tit tupela taim olgeta de long gat strongpela, helti tit.
- Yusim tutpes i gat floraid long en.
- Daunim mak bilong kaikai yu kisim &
- Go kisim sekap long Dentis.

Dispela programe i go insait long Protex ‘Clean Hands, Good Health’ klinpela han, gutpela helt (CHGH) skul programe we i lukluk long strongim pasim bilong wasim han, na bhainim klinpela pasin taim ol i yangpela yet. Dispela BSBF na CHGH skul programe i kisim bikpela sapot long ol skul.

Wanwan manmeri i stap insait long dispela tupela skul programe i kisim tutbras bilong pikinini, tutbras bilong bikpela manmeri, paket tutpes, na ol skul-tok piksa buk long save moa long pasin bilong brasim tit na wasim han.

Mipela i go het yet long inapim olgeta ol skul na komyuniti bilong yumi, na givim ol sans long gat wanpela COLGATE SMAIL, KLINPELA HAN, NA GUTPELA HELT.

Mipela i bilip yet long lukim moa manmeri na pikinini i stap insait long ol dispela programe olgeta yiar, long wanem long Colgate, mipela i bilip olsem olgeta manmeri i nidim bhain taim we ol i ken amamas na small long en.

KOMYUNTI BILONG MIPELA

EMBAI BILONG JEMANI WOKBUNG WANTAIM STEAMSHIPS.

Hane Toua i raitim

**Long namba 5 de bilong mun Desemba, 2023,
Embai bilong Federal Ripablik bilong Jemani
i tokaut long patnasip o wokbung wantaim long
givim moni long kirapim bek Vuula Elementri Skul
long Hula long Sentral Provins, Papua Niugini.**



**66 KAMAPIM WANKAIN SANS
LONG OLGETA LAIN LONG
KISIM GUTPELA EDUKESEN
EM I POS BILONG HOLIM
GUTPELA BIHAIN TAIM BILONG
OL YANGPELA MANMERI
LONG KOMYUNTI.**

Dispela wokbung bai sapotim kamapim boing wanpela komyuniti ridivvelopmen plen we bai lukim sanapim bilong wanpelaabol klasrum i gat nupela ol klasrum sia na tebol, we komyuniti yet bai go pas long en. Projek moni i karamapim baim bilong ol samting bilong mekim haus, long baim kar, na ol arapela projek wok.

Dispela wokbung bai strongim ol skul samting na tu, strongim komyuniti long lukautim gut ples bilong lainim samting na kisim skul bilong ol yangpela long komyuniti.

Menesing Dairekta bilong Steamships, Rupert Bray, i tok-strongim dispela projek.

"Steamships i luksave long strong bilong givim moni long sanapim ol skul samting long strongim tu ol komyuniti. Dispela invesmen long Hula bai inapim 60-pela moa pikinini i gat sans long ol edukesen o skul sevis, na kamapim moa strong long komyuniti. Mipela i givim luksave long halivim i kam long Embasi bilong Jemani long Canberra long dispela skul projek. Dispela kain wokbung i ken karim moa bikpela kaikai."


Moni-mak bilong projek inapim K168,000, wantaim moni-sapot bilong ol Maikro-Projek inapim €25,000 (samting olsem K100,000), na Steamships yet i givim kontribusen inapim K68,000.

"Kamapim wankain sans long olgeta lain long kisim gutpela edukesen em i pos bilong holim gutpela bihain taim bilong ol yangpela manmeri long komyuniti," em Chargé d'affaires bilong Federetet Ripablik bilong Jemani long Australia, Sigrid Sommer, i tok. "Jeman Embasi long Canberra i amamas long wokbung wantaim Steamships na komyuniti long Hula long dispela bikpela program, we i bihainim stret longpela taim luksave na bilip bilong mipela long sapotim gutpela development long Papua Niugini."

Dispela ridivvelopmen projek bai givim narapela ples bilong wok-bisnis, tasol i strongim bilip bilong ol sumatin, na ol komyuniti manmeri i bungim han long sanapim. Dispela bai mekim skul i kamap mobeta long ol asples manmeri.

Embai bilong Jemani long Canberra, na Steamships i gat bikpela bilip long kamap bilong dispela projek, na ol i wet tasol long lukim bikpela mak senis i kamap long Vuula Rivilina Elementri Skul na komyuniti bilong en.

KOMYUNTI BILONG MIPELA



OL SWIRE SKOLASIP I OP.

Hane Toua i raitim

Long Trinde, namba 8 de bilong mun Novemba 2023, John Swire & Sons (JS&S) Limited i tokaut long lonsim bilong tupela nupela skolasip: Swire University Scholarships na Taikoo College Scholarships.

Dispela ol ful-sapot skolasip bai givim sans long ol Papua Niugini sumatin long kisim fainensal o moni sapot bilong vokesenal na teseri skul long 2024 skul yiar.

Ol skolasip i kam aninit long Swire Higher Education Program, we em i hap bilong JS&S wokbung wantaim komyuniti long PNG. Dispela ol skolasip i lukluk moa long skul, na sapotim edukesen long kain rot.

JS&S PNG Limited em ol bikpela investa bilong Steamships Trading Company Limited (Steamships). Steamships i save menesim o lukautim skolasip program bilong Swire.

Menesing Dairekta bilong Steamships, Rupert Bray, i tok strongim nid bilong ol dispela kain program, na tok, "Dispela kain invesmen i soim bilip bilong mipela long inapim ol yangpela Papua Niugini manmeri long kisim haia edukesen bihainim ol dispela ful-sapot skolasip. Mipela luksave olsem planti famili long PNG i save karim hevi bilong peim skul fi, na dispela save pasim rot long planti ol yangpela i kisim haia edukesen."

"Ol dispela skolasip i mekim planti ol manmeri i kisim sans long strongim save na bilip bilong ol log inapim olgeta strong na save bilong ol. Longpela-taim karim kaikai bilong dispela program em bilong givim trening long ol strongpela manmeri long inapim ol industri stendat, na leba rikwaiamen o askim."

Ol skolasip, we ol i lonsim long Novemba 8, 2023, i op long ol kandidet i ken givim ol aplikesen bilong ol bipo long namba 29 de bilong mun Desemba, 2023. Stori bilong husat i ken aplai em ol i pablisim pinis.

Skolasip Komiti nau i wok long sekim ol aplikesen, na klostu nau bai ol i tokaut long husat ol lain i winim ol dispela skolasip.

KOMYUNI BILONG MIPELA

KON-GRAD-ULESENS!

Margreth Winnie i raitim

Franlain Lida Dvelopmen Program (Frontliner Leader Development Program) em i wanpela long planti ol Steamships intenal wokmanmeri dvelopmen na trening program i save go long ol tim memba i save mekim bikpela wok. Dispela lidasip kos i givim ol save long strongim ol lida bilong mipela i wok long fran-lain bilong ol divisen bisnis bilong mipela.

Ko-hot namba 6 na 7 i pinisim FLDP Trening bilong ol long nama 16 de bilong mun Ogas long Gateway Hotel. 13-pela lain i graduet long ol kain kain Steamships bisnis olsem Consort, EastWest Transport, Pacific Palms Property na Coral Sea Hotels. Jeneral Menesa bilong Gateway Hotel, Paul Redmond, i bin givim ol setifiket long ol lain i graduet.



Eddie Aila bilong Eddie Aila Coaching, i go pas long dispela trening program. Eddie em wanpela Lidasip na Hai-Pafomens Stratejis. Dispela program i lainim 12-pela samting: Busines Acumen, Organisational Agility, Interpersonal Skills, Problem Solving, Action Oriented, Delegation, Managing & Measuring Work, Process Management, Standing Alone, Managing Diversity, Drive for Results na Self-Development.

Ol graduet yet i stori long ol samting ol i lainim, na ol rot we dispela trening i halivim ol wanwan. Planti i tok ol i yusim dispela nupela save ol i kisim wantaim ol wok-tim bilong ol, na ol i lukim bikpela wok strongim i kamap.



BUSGRAUN NA WARA BILONG YUMI



DAUNIM MAK NA RISAIKOLIM PIPIA? EM I-KEN!

Steamships Koporet Het Ofis i go pas long ofis risaikolim progrēm long wanpela patnasip em i kirapim wantaim Branis Recycling Ltd – wanpela PNG risaikol kampani em i wok 20 yiar nau, na i ekspotim pinis moa long 10,000 kubik mita long ol risaikol samting stat long 2001 yet na i kam.

Dispela progrēm bai lukluk long kolektim o bungim, rekodim, na tromoi tripela hap kain pipia: ol tin ken, ol PEP o plastik dring botol, na nau tu, ol batri na olpela kompyuta masin.

Aninit long dispela wokbung, ol Sastenabiliti Dvelopmen na HSSE tim i kolektim pipia olgeta wik, na wantaim halivim bilong ol SS8 klina, husat i save sekim na makim hevi bilong ol bek-pipia, pastaim long ol i kisim ol i go long Branis Recylicng.

Ofis bilong ol i stap long Aihuya Strit long Godens. Long dispela hap, ol i save kisim ol risaikol pipia na smesim i go liklik.

Ol bek-pipia i kam insait, bai ol i kisim hevi bilong wanwan, pastaim long ol i brukim ol i go long wanwan ol liklik hip. Long mekem isi long ol wokman, ol i save toksave long ol lain i laik salim ol pipia bilong ol, long sekim gut pastaim, na kisim i go.

Bihain long wok bilong sekim na tilim, wanpela bikpela masin i save smesim ol tin-ken, na brukim na smesim ol plastik botol i go insait long ol 300x300mm ston-bokis. Ol dispela ston-bokis ol i save lainim antap long ol 1 kubik-mita palet, na redi long ol i pasim wantaim srink-rep na lodim i go insait long ol 20-fut kontena long ekspotim o salim i go aut long kantri.



I no bikpela wok long mekem, tasol ol wokman i mas sekim gut olsem ol ken i klin – i nogat wara, o pipia i stap insait long ol ken o botol, bai masin i ken smesim ol gut.

Branis i save risaikolim kain kain samting olsem aluminium foil, kast-ain, ol sprej-ken, ol olpela kompyuta masin madabod, na ol i save baim long ol wanwan ol baia i stap long Mosbi siti. Nambawan bikpela ples bilong baim tin-ken em long Motukea long Sentral provins. Ol i save baim long ol sab-senta long redi bilong balk-ekspotim. Plantilong ol lain tin-ken baia em ol lain i stap long ol setolmen – we i soim olsem ol tu i mekem pasin risaikol, long wanem, em i wanpela rot ol i ken kisim liklik winmoni long en long lukaute famili bilong ol.

Branis Recycling i ken pekim inap long 4-pela tan pipia long wanwan de, na em i ken ekspotim samting olsem tripela kontena long wan wik, bihainim hamas kontena ol i laik baim long wanwan wik. Long hapsait long dispela wok, em wanpela skrep-metal ekspota, nem bilong en Zinda, i stap long Australia, we em i save baim ol kain kain skrep-metal, na tu ol plastik dring botol na ol aluminium tin-ken olsem ol bikpela ekspot samting. I no Zinda tasol. I gat ol arapela ekspota i stap long Esia Pasifik, Yurop, Midel Is, na Not Amerika.

As-tingting bilong dispela risaikolim progrēm long go aut long ol divisen na ofis bilong mipela, wantaim tok orait bilong CSD na Koporet Het Opis long rausim gut ol E-pipia.

Risaikolim Progrem bilong @345 i sapotim ol dispela wok long rausim gut na yusim gen, o risaikolim ol pipia mipela i mekem olsem bisnis, na mekem kamap olsem model we olgeta han bisnis bilong Steamships i ken bihainim tu. I kam inap tude, @345 progrēm i risaikolim pinis samting olsem 14.6 kilogrem aluminium tin-ken.



BUSGRAUN NA WARA BILONG YUMI

WARA FILTRESEN SISTEM I WOK.

"Wara i kam long filtresen sistem em i orait long dring, na i gutpela long yusim long ol hotel bilong yumi," Paul Redmond, Hotel Menesa long Gateway Hotel na Apartments i tok. Gateway i go pas long strongim wok sastenabiliti long ol Coral Sea Hotels (CSH), we ol i lonsim wanpela wara filtresen sistem bilong tritim na botolim wara bilong ol in-haus hotel ges. Dispela tingting i kam long Peter Laiggard Jensen, CEO bilong Steamships Hotels, na bipo Jeneral Menesa long CSH.

Tingting long wanpela wara filtresen sistem i kamap taim mipela i bungim salens long daunim mak bilong ol plastik botol mipela i yusim insait long hotel grup, na tu long daunim kostim bilong baim na tromoi nating ol plastik botol.

Olgeta yiar wan-hap milian tan plastik pipia i save go insait long ol solwara bilong yumi long wol, na wok bilong yusim bek ol botol stret i lukluk long daunim dispela ol hevi bilong pipia long plastik.

Dispela proses filtresen plent i lukluk i go daun long Jacksons Ples Balus, na i sindaun aninit long Jackson's Bar & Grill long Gateway Hotel. Maski em i wanpela isi sistem tasol, em i ken klinim samting olsem 3000 lita wara long wanpela de, na em i ken pulamapim 220,000 botol long wanwan yiar. I kam inap nau, dispela sistem i kamapim pinis namel long 9,000 na 10,000 botol wara, we ol i silim gut tru na redim stap long Gateway, Grand Papua, na Ela Beach Hotel.

Dispela wok bilong klinim wara i stat long:

1. Mains o bikpela paip-wara: wara i kam long saplai bilong Water PNG;
2. Holding Tenk: wara o ron i go long wanpela holding tenk we ol i redim long tritmen.
3. Rives Osmosis: em nem bilong wok we ol mineral i go insait long wara long rausim ola ion, ol pipia marasin na mineral.
4. PH sekap: ol i sekim pH skel bilong wara long sekim sapos em i orait long dring.
5. Holding tenk: klinpela wara i go sindaun long wanpela holding tenk.
6. UV lait: pastaim long ol i pulamapim ol botol, wara mas go insait long wanpela hap UV lait long sekim sapos em i redi long go insait long botol.
7. Bottling: wara i go long asembli ples long go insait long botol na bai ol i silim o pasim ai bilong em.

Olgeta wara i ron i go insait long dispela filtresen sistem, em yumi ken kolim 'Mineralized' wara. Ol i silim wantaim ol sil we i no inap bruk inap ges i opim botol long dring wara. Dispela wok i save pinis stret taim hotel bas i karim ol dispela botol wara long ol bokis bilong ol i go aut long ol wokmanmeri bilong karim go larim long ol rum bilong ol ges long dring.

Wantaim dispela filtresen sistem, CSH i lukluk tu long yusim ol mambu naip, spun na fok long daunim hevi bilong plastik long busgraun na wara. Dispela i halivim bisnis long daunim mak bilong ol plastik pipia olgeta yia. Dispela i save mekim ol lain i yusim tu long skelim gut pasin bilong ol long mekim pipia, na tu long lainim pasin bilong noken mekim pipia.

Kontribusen i go long wok sastenabiliti i go tu long sempu, kondisena na bodiwas bilong rifilim i stap long olgeta rum. Ol CSH hotel i rausim ol liklik botol na senisim wantaim ol bikpela botol insait long olgeta hotel.





WANPELA STRONGPELA WOK KALSA.



Colgate-Palmolive i bin opim dua bilong em long kantri long 1987, na pasin bilong soim naispela smail i kam wantaim ol insait long slogan bilong ol: "Braitpela Smail, Gutpela Bihain Taim" o "Bright smiles, Bright futures." Dispela bren em olgeta wanwan hauslain long kantri i save long en long ol haus klinim samting ol i salim. Ol bikpela nem olsem Colgate, Protex, Kline, Fabuloso, Ajax, Cold Power, na Axion – ol nem we ol manmeri bilong PNG i save laikim na luksave long en.

Samting we i save holim strong Colgate-Palmolive em ol bikpela as-tingting o as-bilip olsem: WE are Caring (MIPELA bai lukautim yu), WE are Inclusive (MIPELA tingim olgeta lain), WE are Courageous (MIPELA i save bilip strong). Dispela ol as-bilip i strongim olgeta wok bilong kampani. Strong bilong ol dispela ol as-bilip i lukim kampani iron 10-pela yiar, na i nogat wanpela taim kampani i stopim wok-bisnis long wanem i gat wokman i kisim bagarap o ol Lost Time Injury (LTI) long wok bilong moa long 100 wokmanmeri i save mekim wok menufeksaring na pekejing ol prodak bilong ol olgeta de.

Mipela i bin raun i go lukim Lae opis bilong ol, na mipela i lukim wok-bisnis bilong ol. Steamships i holim 50% intres o sea long Colgate-Palmolive (PNG) Ltd, tasol olgeta de wok bilong kampani em tim bilong ol long Pot Mosbi na Lae i save bosim.



KOPORET NIUS

Kampani i groa bikpela na kamap wanelpa ogenaisesen i gat nambawan rekod long strongim veliu bilong ol seholda bilong en. Strongpela wok-poroman bilong ol, na bilip ol kastoma bilong ol long kantri i gat long ol prodak bilong ol i mekim Colgate i kamap wanelpa tru tru PNG nem.

Mipela mitim Noel Mirinu, Operesens Menesa wantaim Colgate-Palmolive moa long 8-pela yiar. Wokabaut bilong Noel wantaim kampani i stat taim em i bin wok olsem wanelpa projek enjinia i kam inap em i holim wok nau olsem man i lukautim Menufeksaring – dispela i soim klia bilip bilong kampani long kamapim gutpela ples-wok i gat pasin bilong lukautim gut wokman, givim sans long olgeta, na bilip bilong strongim wok-save, we i lukim planti gutpela stori bilong ol wokmanmeri.



Mipela i bungim tu Betty Bani, husat em i Kastoma Sevis na Lojistik Menesa. Em i wok wantaim kampani 20 yiar pinis. Em i stat wok wantaim kampani we em i lukautim ol wok transisen o senis, na i nogat planti wokmanmeri i save lusim wok. Dispela i soim klia veliu bilong ples-wok long Colgate-Palmolive.



Maski ol i save bungim ol kain kain wok salens, Noel Mirinu, husat go pas long Lae Operesens Tim bilong Colgate-Palmolive, i save strongim tim bilong em long mitim laik bilong biknem sop bilong wasim kolos, Klina. Gutpela wok bilong Betty i save lukim gutpela wokabaut bilong ol prodak i go stret long han bilong ol kastoma long stoa, we ol i save inapim gut olgeta oda.

Strongpela sapot i kam long Jeneral Menesa long Pot Mosbi em i baksait-bun bilong wok-flo bilong ol long olgeta de.

Sefti na kwolati em ol bikpela samting long Colgate, we i klia long gutpela 10-pela yiar ol i mekim wok na nogat wanelpa birua i kamap. Dispela wok-mak i save strongim bilip bilong ol wokmanmeri moa yet long gat wanelpa wok-ples we em i seif. Ol wok intenal odit o wok-sekim i save lukim ol stendat bilong ol i wankain olsem ol wol wok-stendat.

Bilip bilong ol long strongim pasin bilong sastenabel wok-bisnis wantaim ol kontrak kampani em i bikpela samting long strongim ol gutpela wok-patnasip.

Taim mipela i pinisim lukluk-raun bilong mipela long fektori, em i kamap klia olsem wok kalsa long Colgate-Palmolive i abrusim mak bilong opis, na i wok senisim wanwan laip bilong ol wokmanmeri, na groa bilong ol long wok.

Em i wanelpa narakain ples wok we ol veliu i no samting bilong toktok tasol. Em ol samting we i ken strongim wok-bisnis na lukim kamap bilong moa strongpela wokmanmeri, na gutpela wok bilong holim ol i go longpela taim bihain.





@345 BRINGIM BEK GREEN DECOR KRISMAS RESIS.

@345 i joinim hamamas bilong holiday wantaim Enual Opis Dekoresen Resis we tripela @345 level na IT dipatmen i bin resis aninit long het-tok: “Green Christmas”, we ol i mas yusim ol risaikol samting long bilasim opis bilong ol.

Opis i bin skin-kirap tru long lukim mak bilong krievitivi na komitmen o bilip bilong ol divisen long yusim pasin bilong risaikolim pipia long bilasim opis bilong ol. Tasol resis i bin kirap leit tru wantaim sampela ol seksei i brukim baksait long kamapim ol naispela bilas. I no sans bilong soim save bilong ol long stailim samting tasol. Olgeta i givim han na save long halivim ol tim bilong ol.




Ol aluminium tin-ken, ol kadbot bokis, na plastik botol i pasim ol ples bilong wokabaut, na ol i sotim ol ples bilong stretim lek long stailim gut opis seksei bilong ol.

Wanpela grup wokmanmeri bilong Kompyuta Sevises Dipatmen (CSD) i senisim wok ples bilong ol i kamap olsem ples we Mama Maria i karim Bebi Jisas. Ol Jas i ai-op tru long hatwok bilong ol na givim ol fes ples long winim resis.

Ausait bilong bilas bilong ol, ol i mekim wantaim ol kompyuta bokis na fom, pekim pepa, ol olpela LAN kebol na waia. Ol i mekim ol kebol Krismas Diwai, na antap long en ol i putim bikpal sain i tok “E-Waste is Real!” o Pipia bilong kompyuta em bikpela samting!

CSD tim i tokim ol jas olsem ol i hatwok wan-wik olgeta long pinism bilas bilong ol, long holim taitol olgeta yia. Laik bilong winim resis i kamap bihain long ol i winim namba wan ples long 2022. “Mipela i bilip olsem mipela i ken winim gen dispela yiar.”

Sekeples na rana ap – Raitpla Property Management, i senisim opis bilong ol i go kamap olsem wanpela winta ples, na yusim ol pipia pepa olsem giaman sno i pundaun, na ol lain i kam namba tri ples – Koporet Afeas, i yusim ol aluminium tin-ken long mekim wanpela stail Krismas Diwai displei.





RAITPLA PROPERTY MANAGEMENT.

Raitpla Property Management (RPM) em nupela bisnis long kam aninit long Steamships. RPM i save givim bikpela kastoma bilong em – Nambawan Super Limited (NSL), nambawan primum propeti menesmen sevis we em i givim ol kain kain sevis olsem fasiliti menesmen na lisim, i go inap long projek menesmen.

Menesmen portfolio o mak bilong bisnis em i gat i karamapim residensal, komesal o bisnis, na ol industriel propeti long Pot Mosbi siti.

Aninit long lidasip bilong Jeneral Menesa Simon Merton, Raitpla em i wanpela 18-membra tim i lukautim 14-pela propeti.

Wantaim Krystle llaru olsem Operesens Menesa, tim i gat ol fasilitis menesa, na wanpela administresen tim i lukautim 14-pela propeti long Waigani, Koki, Dauntaun Mosbi, na Godens.

“Maket bilong propeti menesmen i wok long groa i go yet long koporet sekta. I gutpela long lukim samting i kisim laip, na tu long sindaun long kirap bilong RPM na lukim groa bilong en, em bikpela samting tru. Mi bin hamamas tru long lukim bisnis i kamap wanpela ligel entity,” Elijah Numoi i tok.





OHANA – STEAMSHIPS FAMILI DE.

Long tingim toktok bilong Lilo long muvi Lilo & Stitch, “Ohana em i minim famili, na famili em i min olsem yumi noken lus tingting long wanpela,” na dispela wanpela toktok i save strongim Steamships Famili De olgeta yiar.

Steamships Famili De em i wanpela de we mipela i save gat olgeta yiar long tok tenkyu long Steamies famili bilong mipela, na long givim sans long ol famili bilong yumi wanwan long kam bung wantaim na hamamas.

Dispela de em bilong luksave na tok tenkyu long ol lain husat i save silip kirap wantaim yumi na sapotim yumi long wok, na long givim ol sans long hamamasim ol yet.

Em i taim bilong ol wok famili bilong yumi long sindaun wantaim ol man, meri, pikinini, na ol hauslain tu.

Yu ken bringim man, meri, o pikinini bilong yu i go long opis bai ol i ken lukim wok-ples bilong yu. Tasol long Steamies, famili de i gat planti moa pilai progres. Koporet famili de i mas gat sans long netwok, strongim wok tim bilong yu, na sans bilong menesmen tim long tok tenkyu long taim na sapot wanwan tim memba i bin givim long bisnis long dispela yiar.

Ogenaisim Komiti i statim wok long 6-kilok moning yet. Ol volantia i kisim ol oda bilong ol, na olgeta samting i bin redi long taim. Steamships Famili De i bin kamap long tupela bikpela operesens senta bilong Steamships, Pot Mosbi, na Lae long namba 16 na 25 de bilong mun Novemba.





Long mi yet, sampela de pastaim long Famili De progres long Mosbi, na tim i wok karimaut ol samting ol i plenim long wanpela mun i go pinis.

Mipela i redim veniu, ol saun sistem, na tu ol progres pilai bilong olgeta lain long traime.

Ol manmeri i stat long kamap long so-graun na pilai wantaim ol balun na bal. Wanpela sotpela womap na Zumba danis, na olgeta lain i skin-kirap na redi long ol resis. Biknem "Icebreaker" resis bilong ol Menesa i kikop pastaim.

I no long taim, mipela lukim ol menesa i lainap gen long ol kala na divisen bilong ol. Wanpela man na meri i redi long resis.

"Redil Set! Go!" na mipela lukim resis i stat.

Bihain long en, mipela lukim tripela raun bilong tromoi kiau. Ol sapota i lap indai long kiau i pundauna na bruk long pes bilong ol lain i popaia long ketsim gut.

Long moning taim yet, ol pikinini i penim pes pinis. Tokpisin bilong Komenteta tu i wok long ron olsem wara, na ol manmeri i saikap. Ol papamama i singaut na sapotim ol pikinini bilong ol long resis na winim prais.

Ekseketiv Menesmen i bin painim sans long pilai wantaim ol pikinini taim ol divisen i kukim kaikai – ol famili stat long hangere nau. Bihain, ol i redim kaikai na olgeta lain i bung na kaikai wantaim. Olgeta lain i givim han long dispela de, mipela i luksave na givim kaikai long olgeta wanwan yet, pastaim long mipela i pinisim dispela Famili De.


Namel long Steamies famili, tag-ov-woa resis em i bikpela samting!

Ol famili i sapot long painim nambawan strongpela divisen. Ol kain kain woa-krai i pairap. Long Lae, ol Truckies i paitim bros long spid bilong woksop tim bilong ol, tasol Colgate-Palmolive i bin stap long winim taitol bilong dispela yiar olsem ol sempion. Long POM, PacTow i holim taitol yet, long wanem pasin bilong pulim rop em wok ol solwara man i save mekим olgeta de. Dispela yiar, JVPS i rausim taitol long ol.

Steamships Famili De i bin pinis wantaim rafol droa long winim ol spesol mesendais prais. Olgeta lain i belhat taim ol i no kolin tiket namba bilong ol, tasol ol i hamamas na singaut taim ol lain i win.

Wankain long olgeta ol progres bilong mipela, ol sevis provaida i mekим olgeta samting i iron stret wantaim planti ol samting long givim ol famili. Luksave i go long sapot i kam long Kina Bank, Bank South Pacific (BSP), St John's Ambulance (SJA), Pacific Industries (PI), Panamex, Lae Biscuit Co. Ltd, Innovative Agro Industries (Ilimo), Papindo Group of Companies, Lae Yacht Club, Vodafone na olgeta lain i mekим dispela de i kamap gut.





NUPELA JV KAMAP – HEBAMO TRANSPORT.

Long namba 12 de bilong mun Desemba, 2023, Steamships Limited na Laba Holdings Limited i tokaut na sainim Memorandum ov Andastending (MOU) long kamapim Hebamo Transport – wanpela nupela lojistik kampani bilong sapotim Papua LNG projek. Dispela MOU, ol mausman bilong wanwan ol bisnis i sainim: Rupert Bray – Menesing Dairekta bilong Steamships, na Isikeli Taureka – Sif Eksekutiv Opisa bilong Laba Holdings.

Ol i sainim dispela MOU bihainim luksave olsem nupela join vensa kampani, Hebamo Transport, bai lukluk long lojistik sapot bilong risos industri – long Papua LNG projek.

Wantaim groa bilong ol LNG projek sait, na toksave long planti ol risos projek long kantri bai kamap yet, dispela bai givim sans long tupela bisnis wantaim long strongim lojistik sapot na givim bikpela sevis long ol longwe ples long Galp na Sentral provins.

Laba Holdings Ltd, we i sindaun pinis long PNG LNG ges sait long ples Papa Lealea, nau dispela nupela join vensa i strongim pathasip wantaim wanpela PNG bisnis, na tok-promis bilong Steamships long mekim PNG kamap asples tru bilong en.

Join Vensa bai givim lojistik sapot sevis bihainim ol nid i stap long maining na eneji sekta, na tu, bilong sapotim wok bilong daunstrim prosesing long Papua LNG Projek.




“Tude i makim bikpela wok-luksave mak taim mipela i amamsim sainim bilong dispela MOU namel long Steamships na Laba Holdings, we mipela i kamapim join vensa bilong mipela yet, Hebamo Transport. Dispela wokbung wantaim i soim bikpela bilip bilong dispela tupela kampani long strongim wok bisnis long kantri, na tu long lukim kaikai bilong ol bikpela risos projek i mas go bek long ol papagraun,” Menesing Dairekta bilong Steamships, Rupert Bray, i tok.

“Long Steamships, mipela i amamas long kisim luksave olsem wanpela strongpela patna long dispela nupela join vensa, na i soim strong bilong mipela long kamapim ol nupela bisnis model we i ken givim kaikai i go bek long ol komyuniti bilong yumi.”

Dispela wokbung bai givim gutpela kaikai long lokol Papa Lealea komyuniti, na tu bai halivim long bildim ol lokol bisnis olsem Laba Holdings, na tu, bildim PNG. Tupela kampani i lukluk i go het nau long lukim join vensa i sanap gut, pastaim long wok i go het long graun.

RAUN RAUN NAMBAUT



OL POLISI



STEAMSHIPS

BLOW THE WHISTLE ON BAD BEHAVIOUR

Don't be afraid to report Improper Conduct

We encourage everyone to be vigilant and raise a bona fide concern in good faith to the appropriate personnel without fear of losing their jobs, business dealings, or becoming a victim of intimidation and harassment.

The Group will maintain **STRICT** confidentiality of the reported matters.

What is Improper Conduct?

- Corrupt, fraudulent or other illegal conduct or activity
- Breach of Steamships Codes and Policies
- Substantial mismanagement of the Group's resources
- Conduct involving substantial risk to public health and safety OR
- Conduct involving substantial risk to the environment that would constitute as a criminal offence

Whistle Blowing Procedure

1. Your direct line manager should receive the initial report
2. If you are uncomfortable speaking with your manager, or no satisfactory action was taken, you can escalate to the Steamships Internal Audit (STCIA)
3. STCIA will conduct assessment and undertake appropriate investigation
4. Recommendations will be given to the appropriate senior management authority to address the matter

Report bad behaviours

EMAIL stcia@steamships.com.pg
TEXT +675 7100 4481
MAIL Steamships Trading Company Limited
c/o Group Internal Auditor
P.O BOX 1
Port Moresby

A FRIENDLY REMINDER TO THINK BEFORE YOU POST.

We understand that social media can be a fun and rewarding way to share your life and opinions with family, friends, and co-workers around the world.

However use of social media also presents certain risks and carries with it certain responsibilities.

COMMUNICATION IN A COURTEOUS MANNER

Your comments on Steamships-related matters on personal social media accounts are still bound by this policy. Avoid posting anything that will bring Steamships, its businesses, brands, or employees into disrepute.

PROTECT CONFIDENTIALITY

Do not divulge, use, or comment on any part of Steamships' confidential information. This includes finance, business strategy, sales results, clients, contracts, and trade information.

BE CONSTRUCTIVE AND COLLEGIAL

Do not make statements on behalf of Steamships or imply Steamships' endorsement of your personal views.

WHAT COUNTS AS SOCIAL MEDIA?

1. Social networking sites (e.g., Facebook, LinkedIn, Instagram)
2. Blogging sites (e.g., Twitter, Tumblr)
3. Corporate media
4. Online discussion boards and forums
5. Video sharing sites (e.g., YouTube)
6. Online editable encyclopedias (e.g., Wikipedia)



Send us your stories and high resolution images for publication in Tok Steamies Newsletter. Your stories should be no more than 500 words. E-mail your stories to TokSteamies@steamships.com.pg